

## აბაშის მუნიციპალიტეტის

სუჯუნის ადმინისტრაციული ერთეულის სოფ. სუჯუნაში წალიკარის დასახლების

საერთო კრების

ოქმი №9

აბაშა

2022 წლის 15 მარტი

2022 წლის 15 მარტს, საქართველოს ორგანული კანონის „ადგილობრივი თვითმმართველობის კოდექსის“ 85<sup>4</sup> მუხლის პირველი პუნქტის „ბ“ ქვეპუნქტის და აბაშის მუნიციპალიტეტის საკრებულოს №5 დადგენილების „აბაშის მუნიციპალიტეტის დასახლების საერთო კრების ტიპური დებულების დამტკიცების შესახებ“ მე-6 მუხლის პირველი პუნქტის „ბ“ ქვეპუნქტისა და საქართველოს მთავრობის 2018 წლის 28 დეკემბრის #654 დადგენილებით დამტკიცებული საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების შერჩევის პროცედურების და კრიტერიუმების “1-ლი მუხლის მე-6 პუნქტის, “ა” ქვეპუნქტებისა და ამავე მუხლის მე-7 პუნქტის შესაბამისად, აბაშის მუნიციპალიტეტის სუჯუნის ადმინისტრაციულ ერთეულში, აბაშის მუნიციპალიტეტის მერის 2022 წლის 24 თებერვლის № ბ10.10220556 ბრძანების საფუძველზე, ჩატარდა სოფ. წალიკარის დასახლების საერთო კრება (№63.17 საარჩევნო უბნის საზღვრებში). №63 აბაშის საარჩევნო ოლქის (30/09/2021) მონაცემებით წალიკარის დასახლებაში რეგისტრირებულია 103 ამომრჩეველი. აბაშის მუნიციპალიტეტის საკრებულოს №5 დადგენილების „აბაშის მუნიციპალიტეტის დასახლების საერთო კრების ტიპური დებულების დამტკიცების შესახებ“ მე-10 მუხლის პირველი პუნქტის შესაბამისად საერთო კრება უფლებამოსილია, თუ მას ესწრება დასახლების ტერიტორიაზე რეგისტრირებული ამომრჩეველთა არანაკლებ 20%-ისა ანუ 21 რეგისტრირებული ამომრჩეველი. სხდომას ესწრებოდა 26 დასახლებაში რეგისტრირებული ამომრჩეველი.

კრებას თავმჯდომარეობდა მერიის ადმინისტრაციული სამსახურის უფროსი დიმიტრი ცანავა, მდივანი მერის წარმომადგენელი სუჯუნის ადმინისტრაციულ ერთეულში ლაშა კუცია. კრებას ესწრებოდნენ მერის მოადგილე გიგა ჯვარელია, ურბანული განვითარების განყოფილების უფროსი მირზა ქვილითაია, მუნიციპალური ინსპექციის განყოფილების უფროსი გია კუცია, მუნიციპალური ქონებისა და ადგილობრივი მოსაკრებლის განყოფილების უფროსი დათო თოფურია. საორგანიზაციო და ადმინისტრაციულ ერთეულებში საქმიანობის კოორდინაციის განყოფილების უფროსი სპეციალისტი ზურაბ მხეიძე.

დღის წესრიგი:

1. სოფ. წალიკარში 1-ლი და 2-რე ჩიხების მოხრეშვა და წყალსაწრეტი არხის გაწმენდა
2. სოფ. წალიკარში სასოფლო-სამეურნეო სავარგულებთან მისასვლელი გზის მოხრეშვა მოშანდაკება სიგრძით 3 კმ.

კრება გახსნა და დამსწრეთ შესავალი სიტყვით მიმართა მუნიციპალიტეტის მერიის ადმინისტრაციული სამსახურის უფროსმა დიმიტრი ცანავამ, რომელმაც აღნიშნა, რომ ადგილობრივი თვითმმართველობის განხორციელებაში მოქალაქეთა მონაწილეობის უზრუნველსაყოფად და საჯარო დაწესებულებაში გადაწყვეტილებათა მიღების პროცესის გამჭვირვალების მიზნით კანონმდებლობიდან გამომდინარე ტარდება დასახლებების საერთო კრებები და კონსულტაციები, ასევე სიტყვით გამოვიდნენ მერის მოადგილე გიგა ჯვარელია და ურბანული განვითარების განყოფილების უფროსი მირზა ქვილითაია, მათ ისაუბრეს ასევე საერთო კრების საქმიანობის ძირითად პრინციპებსა და მიზნებზე.

განხილულ იქნა დღის წესრიგით გათვალისწინებული „სოფლის მხარდაჭერის პროგრამის,” ფარგლებში დასაფინანსებელი პროექტები პრიორიტეტის მიხედვით

მოისმინეს:

1. სოფ. წალიკარში 1-ლი და 2-რე ჩიხების მოხრეშვა და წყალსაწრეტი არხის გაწმენდა
2. სოფ. წალიკარში სასოფლო-სამეურნეო სავარგულებთან მისასვლელი გზის მოხრეშვა მოშანდაკება სიგრძით 3 კმ.

/მომხს. მ. ქვილითაია/

მომხსენებელმა ისაუბრა დღის წესრიგით გათვალისწინებული სამუშაოების შესრულებაზე.

საერთო კრების მიერ მხარდაჭერილ და მოწონებულ იქნა წარმოდგენილი პროექტები.

კენჭისყრის შედეგები:

დამსწრე – 26 ამომრჩეველი.

მომხრე – 26


წინააღმდეგი – 0


გადაწყვეტეს:

პრიორიტეტების მიხედვით პროექტების ჩამონათვალი

1. სოფ. წალიკარში 1-ლი და 2-რე ჩიხების მოხრეშვა და წყალსაწრეტი არხის გაწმენდა
2. სოფ. წალიკარში სასოფლო-სამეურნეო სავარგულებთან მისასვლელი გზის მოხრეშვა მოშანდაკება სიგრძით 3 კმ.

(მხარდაჭერა დადასტურებულ იქნა შესაბამისი ხელმოწერებით, ოქმს თან ერთვის).

დასახლების საერთო კრების თავმჯდომარე:  ლ. ცანავა

დასახლების საერთო კრების მდივანი:  ლ. კუცია